



## ADMINISTRACIÓN LOCAL MUNICIPAL A LARACHA

*Decreto da Alcaldía de creación da Xunta de Goberno Local. Mandato corporativo 2023-2027*

En data 21/06/2023 esta Alcaldía ditou o decreto nº 839/2023, que se transcribe no seu literal:

“De acordo ao establecido no artigo 20.1. da Lei 7/1985, do 2 de abril, reguladora das bases réxime local (LBRL), os tenentes de alcalde son un órgano necesario en todo municipio e a Xunta de Goberno Local cunha poboación superior ós 5.000 habitantes e nos de menos, cando así o dispoña o seu Regulamento Orgánico (ROM) ou o acorde o Pleno.

Á vista do preceptuado nos artigos 20, 21 e 23 da Lei 7/1985, do 2 de abril, reguladora das bases do réxime local, art. 65 da Lei 5/1997, do 22 de xullo, de administración local de Galicia, e os artigos 38, 52, 53, 112 e seguintes do regulamento de organización, funcionamento e réxime xurídico das entidades locais, aprobado por Real Decreto 2568/1986, do 28 de novembro de 1986, e sendo competencia do alcalde o nomeamento dos membros da Xunta de Goberno Local,  
RESOLVO:

PRIMEIRO.- Nomear como membros da Xunta de Goberno Local aos/ás seguintes concelleiros/as:

JOSÉ RAMÓN MARTÍNEZ BARBEITO  
JOSÉ ALBERTO BLANCO VEIGA  
M<sup>a</sup> ALMUDENA MARTÍNEZ PÉREZ  
VERÓNICA PÉREZ VERDÍA  
JUAN CARLOS AMADO COLLAZO

SEGUNDO.- Notificar persoalmente aos/as designados/as os seus nomeamentos publicar este acordo no BOP

TERCEIRO.- Dar conta ao Pleno da Corporación na primeira sesión que se celebre dos nomeamentos sinalados para o seu coñecemento e efectos oportunos.”

A Laracha, 28 de xuño de 2023

O alcalde,

José Manuel López Varela

2023/5252

## ADMINISTRACIÓN LOCAL

### MUNICIPAL

#### A LARACHA

*Decreto de periodicidade das sesións da Xunta de Goberno Local e delegación de competencias da Alcaldía na Xunta de Goberno Local. Mandato corporativo 2023-2027*

En data 21/06/2023 esta Alcaldía ditou o decreto nº 842/2023, que se transcribe no seu literal:

Sendo preceptivo establecer por esta Alcaldía-Presidencia a periodicidade das sesións ordinarias a celebrar pola Xunta de Goberno Local, consonte dispón o art. 112.2 e 112.3 do ROF, aprobado por Real Decreto 2568/1986, do 28 de novembro, e tendo en conta a posibilidade de delegación das competencias da Alcaldía neste órgano segundo o previsto nos 21 e 23 da Lei 7/1.985 e 61 e 65 da Lei 5/1997, do 22 de xullo, RESOLVO:

**PRIMEIRO.-** Celebrar as sesións ordinarias da Xunta de Goberno Local os mércores hábiles ás 14,00 horas.

O alcalde poderá modificar a data de celebración para o día inmediatamente hábil anterior ou posterior por causas xustificadas.

**SEGUNDO.-** Delegar na Xunta de Goberno Local as seguintes atribucións concretas:

- A aprobación dos instrumentos de planeamento de desenvolvemento do planeamento xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.
- A adjudicación das proposicións presentadas polos licitadores en todas as contratacións e concesións atribuídas á Alcaldía, agás aquelas que teñan a consideración de contrato menor, e mesmo nos contratos privados cun importe superior aos 15.000,00 euros.
- O acordo de adquisición de bens e dereitos, así como de alleamento do patrimonio cando corresponda á Alcaldía, cuxo importe de licitación sexa igual ou superior a 15.000,00 euros.
- O outorgamento, denegación, prórrogas nos prazos de execución e demais incidencias relacionadas coas licenzas urbanísticas e o outorgamento nunha única resolución para os supostos que esixan licenza urbanística ademais da licenza de actividade, segundo a Lei do Solo de Galicia 2/2016.
- A aprobación da autoliquidación do ICIO e das taxas por outorgamento de licenzas urbanísticas, e no seu caso de actividade, cando á Xunta de Goberno Local lle corresponda o seu outorgamento e ou denegación.
- O outorgamento ou denegación para aproveitamentos especiais do dominio público cando compra outorgalos ou denegalos simultaneamente ás licenzas urbanísticas, tales como: colocación de estadas, contedores de residuos da construción, cerramento de seguridade da obra, etc...
- O outorgamento, denegación e cambios de titularidade para utilizacións privativas ou aproveitamentos especiais do dominio público sinalados no art. 49 da ordenanza xeral municipal sobre tráfico, circulación de vehículos a motor e seguridade viaria, naqueles casos en que sexa necesario obter simultaneamente tanto unha autorización para a entrada e saída de vehículos (vao) como unha licenza urbanística de primeira utilización á que se accede ou da que se saía.
- A solicitude de subvencións en aqueles supostos en que a convocatoria non as atribúa a outros órganos municipais, agás os supostos nos que se esixa a solicitude e/ou aceptación por algún órgano municipal específico, sen prexuízo de que por razóns de urxencia a Alcaldía efectúe a solicitude dando conta á Xunta de Goberno Local na seguinte sesión que se celebre
- A concesión de subvencións, axudas e becas outorgadas polo Concello en réxime de concorrencia competitiva.
- Resolver os recursos de reposición que se interpoñan contra os acordos adoptados pola Xunta de Goberno Local en exercicio das atribucións delegadas pola Alcaldía.

**TERCEIRO.-** Poderán avocarse en calquera momento as atribucións delegadas de acordo co art. 10 da Lei 40/2015, do 1 de outubro, de réxime xurídico das administracións públicas.

**CUARTO.-** Poñer en coñecemento da Xunta de Goberno Local e do Pleno do Concello na primeira sesión que celebre esta Resolución.

QUINTO.- Dar traslado deste acordo aos distintos departamentos administrativos municipais e publicar este acordo no Boletín Oficial da Provincia.

A Laracha, 28 de xuño de 2023

O alcalde,

José M. López Varela.

2023/5257



## ADMINISTRACIÓN LOCAL

### MUNICIPAL

#### A LARACHA

*Atribucións delegadas polo pleno en favor da XGL e Alcaldía*

##### ANUNCIO

**Atribucións delegadas polo Pleno en favor da Xunta de Goberno Local e da Alcaldía.**

Na sesión extraordinaria do Pleno do Concello de A Laracha que tivo lugar o día 26 de xuño de 2023, adoptouse o acordo de “Atribucións delegadas polo Pleno en favor da Xunta de Goberno Local e da Alcaldía”, que se transcribe no seu literal:

##### **“ATRIBUCIÓN DELEGADAS POLO PLENO EN FAVOR DA XUNTA DE GOBERNO LOCAL E DA ALCALDÍA**

O artigo 22.4 da Lei 7/1985, do 2 de abril, reguladora das bases do réxime local, dispón que o Pleno pode delegar o exercicio das súas atribucións no alcalde e na Xunta de Goberno Local, agás as enunciadas no apartado 2, párrafos a), b), c), d), e), f), g), h), i), l) y p).

Sendo necesario dotar da maior axilidade á tramitación dos expedientes administrativos, respectando en todo caso a lexislación vixente en cada momento, conforme ao art. 51.2 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro, proponse ao Pleno da Corporación, a adopción do seguinte **ACORDO**:

**PRIMEIRO.-** Delegar na Xunta de Goberno Local as seguintes atribucións delegables que a lexislación vixente asigna ao Pleno da Corporación:

- O exercicio de accións xudiciais e administrativas e a defensa da Corporación en materias de competencia plenaria.
- A declaración de lesividade dos actos do Concello.
- A adxudicación das contratacións e concesións de toda clase cando o seu importe supere o 10 por 100 dos recursos ordinarios do orzamento, e en calquera caso, os 6 millóns de euros, así como os contratos ou concesións plurianuais cando a súa duración sexa superior a catro anos e os plurianuais de menor duración cando o importe acumulado de tódalas anualidades supere a porcentaxe indicada, referidos ós recursos ordinarios do primeiro exercicio e, en todo caso, cando o seu importe sexa superior á contía sinalada.
- A adquisición de bens e dereitos cando o seu valor supere o 10 % dos recursos ordinarios do orzamento, así como os alleamentos patrimoniais nos seguintes supostos:
  - o Cando se trate de bens inmoables e non estean previstos no orzamento.
  - o Os previstos no Orzamento cun valor superior ao 10% dos recursos ordinarios do orzamento.
- Resolver os recursos de reposición que se interpoñan contra os acordos adoptados pola Xunta de Goberno Local en exercicio das atribucións delegadas polo Pleno.

**SEGUNDO.-** Delegar na Alcaldía as seguintes atribucións delegables que a lexislación vixente asigna ao Pleno da Corporación:

- o As atribucións que como órgano de contratación correspondan ao Pleno, agás a adxudicación delegada na Xunta de Goberno Local, nas contratacións e concesións de toda clase cando o seu importe supere o 10 por 100 dos recursos ordinarios do orzamento, e en calquera caso, os 6 millóns de euros, así como os contratos ou concesións plurianuais cando a súa duración sexa superior a catro anos e os plurianuais de menor duración cando o importe acumulado de tódalas anualidades supere a porcentaxe indicada, referidos ós recursos ordinarios do primeiro exercicio e, en todo caso, cando o seu importe sexa superior á contía sinalada.
- o A aprobación dos proxectos de obras e servizos cando a Alcaldía sexa o órgano de contratación de conformidade coa delegación efectuada polo Pleno, e dos que non estean previstos nos Orzamentos.
- o Resolver os recursos de reposición que se interpoñan contra os actos administrativos adoptados pola Alcaldía en exercicio das atribucións delegadas polo Pleno.

**TERCEIRO.-** Ordenar a publicación deste acordo no Boletín Oficial da Provincia e dar traslado aos servizos administrativos.”

A Laracha, 5 de xullo de 2023

O Alcalde,

José Manuel López Varela

2023/5503